

Ramić: U MUP-u RS 90 posto Srba, Bošnjaka svega oko sedam posto!

18/03/2010 10:23 by Administrator

Predsjednik Kluba Bošnjaka u Vijeću naroda RS Edin Ramić saopćio je danas da je u sadašnjoj strukturi MUP-a RS sa statusom ovlaštenih osoba uposleno 90,4 posto predstavnika srpskog naroda, dok je svega 7,9 posto Bošnjaka, 1,09 posto Hrvata i ostalih 0,5 posto. Tu se, napomenuo je, ne računaju služenici koji nemaju status ovlaštenih osoba u entitetskoj policiji. Obrazlažući zašto je Klub Bošnjaka u Vijeću naroda RS pokrenuo pitanje zaštite vitalnog nacionalnog interesa na Zakon o policijskim službenicima RS, Ramić je u izjavi novinarima u Banjoj Luci rekao da je jasno da ne postoji spremnost da se primjeni ustavna kategorija o proporcionalnoj zastupljenosti konstitutivnih naroda u MUP-u RS.

“Postoje jasni ustavni principi koje trebaju razraditi entitetski zakoni i ovo je jedan od tih zakona. Međutim, očigledno je da ne postoji spremnost da se to uradi i ja se nadam da će Ustavni sud RS konačno propisati načine na koje je to moguće postići u praksi”, rekao je Ramić.

Â

Obrazlažući i zašto je bošnjački klub stavio veto i na Zakon o izmjenama i dopunama Zakona o RTRS-u, on je kazao da te izmjene narušavaju sistem javnog emitiranja i uspostavu korporacije, te uvode političku kontrolu nad tim sistemom u RS.

Izvor vijesti: Dnevni Avaz